

## Die schönscht Zit

Frögscht du en Maa  
met wiissa Hoor  
noch sira schönschta Zit  
wo er erläbt hei  
uf dr Wält  
denn luaget zrock er wit.

Sin erschta Schatz  
kunt em denn z'Sinn  
vor viilna Johr im Mai  
es wörd em warm  
wenn er dra denkt,  
wia lang ischt das vorbei.

Dor Fliiss ischt er  
zo Ehra ko  
zo Emter und o Gäld  
ischt gsund und zwäg  
gse Johr und Tag  
nia hät em eppas gfählt.

Er aber suacht  
noch witer zrock  
noch sira schönschta Zit  
er siaht a Huus  
a Gampiross  
a Büabli wos grad rit'.

Dors Feschter kunt  
än Sunnaschtrahl  
as müasst er nia mee go  
und anera Wiaga  
voll vo Glöck  
siaht er a Mama sctoh.

Jätz kunt's em z'Sinn  
das ischt si gse  
was ihm höt schint so wit  
s'ischt wia nen Trom,  
no ischt er wohr  
der vo dr schönschta Zit.



Edwin Nutt 1922 - 1991

## Altersbeschwärda

Mir tuand schier alli Knocha weh,  
versorg fascht jeder Schrett;  
i wääss net wia mi kehra söll,  
uf mim verfluachta Bett.

I komm as wia uf Eier här,  
wenn i min Tapp well go;  
es ischt as wia mir eppert hett  
dr Muat zom Laufa gno.

Dr Dokter luagt bedenklig drii  
und taschtet ab mis Gschtell:  
«Bischt halt o numma grad dr Jüngscht»  
ischt was er säga well.